

## Talfahrt

Vor 25 Johre  
Het mi Mamma mi gebore  
Und zwor, sowit i mi ka bsinne  
Imme alte Auti inne  
Das Vehikel sei no gross gsi  
Aber nümmi uff dr Schtrooss gsi  
Und so isch dä Riisekare  
Immer schnäller bärgab gfare

Immer bärgab, immer bärgab  
Immer wie schnäller und schteiler bärgab

Ich ha gfunde, für das Gfäll  
Rase mir e Bitzli z schnäll  
Me het mr gseit, das sei nit gföhrig  
sone Tämpo sei doch heerlig  
Däne, wo so Auti baue  
Döfft me zwifellos vertraue  
Und si wurde mi befuege  
In däm Auti ummezluége.

Das hani au gmacht. Das hani au gmacht.  
Das hani au gmacht. Und was hani denn gseh?

In däm Auti hets in rauhe  
Mänge Männer, Kinder, Fraue  
Wo sich hän lo ineschteile  
Ohni dass sis hätte welle  
Und ich wötti no erwähne  
Du bisch glaubi au bi däne  
Wo mit mir in sällem Wage  
An däm Abhang abejage

Immer bärgab, immer bärgab  
Immer wie schnäller und schteiler bärgab

Uff em Schtürred hoggd dRegierig  
Und si meint, si heigi dFuehrig.  
Jede risst in sini Richtig  
Sini Richtig isch die Richtig  
Si halte Rede, oder scribe  
Und denn löhn sis widr blibe  
Schtüre ka d Regierig nümme  
D Schwärkraft duet dr Lauf beschtimme

Immer bärgab, immer bärgab, immer bärgab

«Das isch d Natur, do kasch nüt mache!»  
Ghört me gwüssi Herre lache  
Und si löhn s Getriibe schmiere  
Dass d Natur ka profitiere  
Es sin die, wo s Auti baut hän  
Und uns alli dinn verschtaut hän  
Und die Riisemordsmaschine  
Ghört em liebe Gott und ihne

Immer bärgab, immer bärgab, immer bärgab

Uniformierti grüeni Gschalte  
Luege, dass mr d Richtig bhalte  
Wenn si emme Widerschtand begägne  
Duetne d Kirche d Waffe sägne  
Das kunnt zwor langsam us dr Mode  
S git jetzt fiineri Methode:  
Die, wo schimpfe, loht me gälte  
Hünd, wo bälle, bisse sälte

Immer bärgab, immer bärgab  
Immer wie schnäller und schteiler bärgab

Eine duet verzwiiflet horne:  
Lueg e Tanne sctoht dört vorne  
Es isch e Sach vo zäh Sekunde  
Und es schärbelet dört unde 22 23 24 25 26 27 28 29 30  
Doch mer schtreife numme d Äscht  
Und so gits e Riisefescht  
Das bewiist, verzellt me wichtig  
Unser Auti goht scho richtig

Immer bärgab, immer bärgab  
Immer wie schnäller und schteiler bärgab

Au die geischtligi Behörde  
Wött dä Fall uff kei Fall gförde  
Und so lot si lo verkünde  
Jede heigi eignit Sünde  
Es sotti, sctatt vom Auti z rede  
Lieber zerscht emol e jede  
Siini Sünde usegrüble  
Denn so sctiendis in dr Bible

Immer bärgab, immer bärgab  
Immer wie schnäller und schteiler bärgab

S git Lüt, die zeige e enorme  
Grosse lifer für Reforme  
Si findes absoluti Schpitze  
wemmer weicher döffe sitze  
Mit ihrem Autipolschterfligge  
Wän si ihri Lüt beglügge  
In däm Auti solls eim gfalle,  
S länggd au besser ab vom Falle.

Immer bärgab, immer bärgab  
Immer wie schnäller und schteiler bärgab

So hogge alli weich und rase  
Z friide in die letscti Phase  
Me loht sich nümme vo däne sctöre  
Wo das Auti wötte kehre  
Ein vo däne weiche Brüeder  
Singt no eins vo sine Lieder  
Aber numme no die Schtrophe  
Wil jo doch die Meischte schlofe